

SA's Leading Past Year

Exam Paper Portal

STUDY

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ [www.saexampapers.co.za](http://www.saexampapers.co.za)



SA EXAM  
PAPERS



# basic education

---

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**SESOTHO PUO YA LAPENG (HL)**

**PAMPIRI YA BORARO (P3)**

**2019**

**TATAISO YA HO TSHWAYA**

**MATSHWAO: 100**

**Tataiso ena ya ho tshwaya e na le maqephe a 10.**

**KAROLO YA A: MOQOQO****Dintlha tsa tataiso tsa meqoqo****1.1 Hoja ka tseba!**

Moqoqong ona mohlalobuwa e mong a ka hlalosa sehlooho ka bokgutshwane.

**Dikahare tse ka lebellwang e ka ba tsena tse latelang:**

- Mohlahlobuwa a ka qoqa a pheta pale eo ho yona a bontshang hore ke ka lebaka la eng a reng hoja o ne a tsebile se itseng;
- A ka qoqa a hlalosa maemo a entseng hore a itshole.

**[50]**

**[Leha mohlalobuwa a qoqile ka diketsahalo tse ngatanyana, tse fapaneng ebile di momahane mme di bontsha hore o a itshola ka baka la tsona, a nne a abelwe matshwao ka tshwanelo]**

**1.2 Polokeho ya setjhaba ke boikarabelo ba sepolesa ebile hape ke boikarabelo ba setjhaba ka bosona. Qoqa ka taba ena o tadimme mahlakore ana a mabedi.**

Mofuteng ona wa moqoqo mohlalobuwa ha a kgethe lehlakore, mme o tshhetsa mahlakore a mabedi a sehlooho ka ho lekana.

**Dikahare tse ka lebellwang e ka ba tsena tse latelang:**

- Mohlahlobuwa e mong a ka bontsha kamoo sepolesa le setjhaba se ka sireletsang batho kateng;
- Mohlahlobuwa a ka boela a hlalosa dintlha tse ding tse bontshang kamoo setjhaba se ka bang le seabo kateng tshireletsong ya sona.

**[50]****1.3 Mathata a ka tliswang ke ho nyoloha ha peterole.**

Moqoqong ona mohlalobuwa o hlalosa hore peterole ke eng hape e ama bohle ka tsela efe.

**Dikahare tse ka lebellwang e ka ba tsena tse latelang:**

- Mohlahlobuwa a ka qoqa ka melemo ya peterole le hore ha e nyolohile e baka mathata ka tsela e jwang;
- A ka boela a fana ka mekgwa e meng ya ho eta e ka sebediswang ke baganni ba makoloi ho qoba mathata a bakwang ke ho nyoloha ha peterole.

**[50]****1.4 Tseo e leng kgohedi ya bahahlaudi naheng ya rona.**

Moqoqong ona mohlalobuwa o lokela ho hlalosa bohahlaudi le bahahlaudi ka tsela e hlakileng.

**Dikahare tse ka lebellwang e ka ba tsena tse latelang:**

- Mohlahlobuwa a ka hlalosa dibaka tse ka hohelang bahahlaudi naheng ya rona;
- A ka boela a bontsha melemo e ka unwang ke naha ka ho hohela bahahlaudi.

**[50]**

**1.5 Seabo sa dipolotiki ho matlafaleng le ho putlameng ha boleng ba ranta.**

Moqoqong ona mohlalobuwa o lokela ho re qoqela a hlalosa dintlha tsa hae tse amanang le dipolotiki, mme a hlalose kamoo ranta e matlafalang kapa e putlamang ka lebaka la dipolotiki kateng.

**Dikahare tse ka lebellwang e ka ba tsena tse latelang:**

- Mohlahlobuwa a ka qoqa a hlalosa kamano pakeng tsa dipolotiki le maemo a ranta;
- A ka qoqa a hlalosa hore ranta e matlafala kapa ho putlama ka tsela e jwang.

**[50]**

**1.6 Na ho tseba Senyesemane ho feta puo ya hao ya letswele ke sesupo sa tswelopele?**

Mofuteng ona wa moqoqo mohlalobuwa o kgetha lehlakore la hae, mme a le tshehetse ka dintlha tse utlwahalang.

**Dikahare tse ka lebellwang e ka ba tsena tse latelang:**

- Mohlahlobuwa a ka qoqa a tshehetsa sehlooho kapa a hlahise dintlha tse kgahlanong le sona.

**[50]**

**1.7 Setshwantsho sa 1.7.1 le sa 1.7.2**

- Moqoqong ona mohlalobuwa o boha setshwantsho, mme o iqapela sehlooho ka mohopolo wa sehlooho o qholotswang maikutlong a hae.

**Dikahare tse ka lebellwang:**

- Moqoqo ona o ka ngolwa ho tswa lehlakoreng lefe kapa lefe, ho latela moelelo oo a o fumanang ka setshwantsho.

**[50]**

**MATSHWAO OHLE A KAROLO YA A:**

**50**

**KAROLO YA A: MOQOQO****Ditaelo ho Motshwai:**

- Mohlahlobuwa o lokela ho ngola ka sehlooho SE LE SENG FEELA KAROLONG YA A, mme a ngole ka dihlooho TSE PEDI KAROLONG YA B.
- Karolo ka nngwe e na le ruburiki ya yona.
- Sebedisa diruburiki tseo o di fuweng bakeng sa ho tshwaya tema ka nngwe.
- Mohlahlobuwa a etse moralo bakeng sa tema ya hae.
- Ha mohlahlobuwa a **tswile lekoteng** moqoqong, etsa tsena tse latelang:
  - Mohlahlobuwa a abelwe matshwao bakeng sa dikahare ho fella kगतong ya pele feela.
  - Mohlahlobuwa a abelwe matshwao bakeng sa tshebediso ya puo ho fella kगतong ya pele feela.
  - Mohlahlobuwa a abelwe matshwao bakeng sa sebopeho ho fella kगतong ya pele feela.
  - Mohlahlobuwa a etse moralo bakeng sa tema ya hae: Motshwai a lekole dintlha (mehopolo ya sehlooho le e e tshehetsang) ho bona kamoo e lebisang tlhahisong ya diratswana le tema yohle kateng.

**Tataiso bakeng sa ho tshwaya moqoqo:**

Sehella lentswe kapa polelo e fosahetseng mola, o be o bontshe mofuta wa phoso hodima lentswe/polelo ka ho sebedisa matshwao ana a latelang:

- / bakeng sa ho arola mantswe a ngotsweng a kopantswe empa a lokela ho arolwa;
- , + bakeng sa ho kopanya mantswe a arohantsweng empa a ngolwa a kopane;
- mn** bakeng sa mongolo (*orthography*) o fosahetseng;
- mp** bakeng sa mopeleto o fosahetseng;
- mt** bakeng sa tshebediso ya matshwao a puo a fosahetseng;
- p** bakeng sa puo e sa sebediswang ka nepo kapa ka tshwanelo/tlwaelo;
- ^ bakeng sa lentswe kapa karolwana ya lentswe e siilweng dipakeng tsa
- // mantswe;
- ← bakeng sa ho arola diratswana;
- ↑↓ bakeng sa ha mohlahlobuwa a qadile polelo hara mola;  
bakeng sa ha mohlahlobuwa a fetoletse dintlha tsa hae a qadile ka eo a lokelang ho qetella ka yona.

**ELA HLOKO:**

- Sebedisa ruburiki ena e latelang ka nako tsohle ha o lekanyetsa meqoqo.
- Matshwao a 0–50 a arotswe ho ya ka dikgato tse 5 tsa ditlhaloso tsa phihlello.
- Lekgetheng la Dikahare, Puo le Setaele, tlhaloso e nngwe le e nngwe ya phihlello e arotswe habedi ho hlahisa boemo bo hodimo le boemo bo tlase; boemo bo bong le bo bong bo na le tlhaloso ya bona.
- Lekgetha la Sebopeho lona ha le a arolwa ka bokgoni bo nang le boemo bo hodimo le bo tlase.

**SENOTLOLO SA HO TSHWAYA:**

Makgetha a tekanyetso	Matshwao	Senotlolo
Dikahare le Moralo	30	DM =
Puo le Setaele le Tokiso ya diphoso	15	PST =
Sebopeho	05	Seb =
<b>Matshwao ohle</b>	<b>50</b>	

**KAROLO YA A: RUBURIKI YA HO LEKANYETSA MOQOQO – (MATSHWAO A 50) SESOTHO PUO YA LAPENG (HL) – SLKT**

Makgetha a ho lekanyetsa	Phihlello e babatsehlang	Phihlello e supang bokgoni	Phihlello e mahareng	Phihlello ya motheo feela	Phihlello e haellang
<b>DIKAHARE LE MORALO</b> Tshekatsheko ya sehlooho: tlhophiso ya mehopololele dintlha, kelohloko ya baamohedi ba ditaba, maikemisetsa le maemo	<b>28–30</b> -nehelano e bontshang kutlwisiso e babatsehlang ya sehlooho e supang bokgoni bo ikgethang -mehopololele e bontsha boqhetsheke, e phephetsa monahano, mme ke e sutsitseng -e hlophisitswe hantle ka tsela e ikgethang/babatsehlang, mme e momahane ka tshwanelo ho kenyelleditswe selelekela, mmele le qetelo	<b>22–24</b> -nehelano e ralehileng hantle haholo -mehopololele e tsamaellana le sehlooho ka botlalo, e a kgahlisa, mme e na le bopaki ba mehopololele e sutsitseng -o hlophisitswe hantle haholo ka tsela e ikgethang, mme o momahane ka tshwanelo ho kenyelleditswe selelekela, mmele le qetelo	<b>16–18</b> -nehelano ke e kgotsofatsang ditlhokeho -mehopololele e momahane ka tsela e kgotsofatsang le e kgodisang -o hlophisitswe ka tsela e utlwisiselang, mme o momahane ka tshwanelo ho kenyelleditswe selelekela, mmele le qetelo	<b>10–12</b> -nehelano e momahane mona le mane; -mehopololele ke e seng ya boiqapelo, mme e sa hlakang; -ho na le bopaki bo seng bokae ba tlhophiso le momahano ya nehelano	<b>4–6</b> -nehelano e tswile lekoteng hohang; -mehopololele ke e sa tsepamang e dubakaneng; -ha e utlwahale, mme dintlha di a phetakakwa; -ha e a hlophiswa ka tshwanelo le momahano ha e yo.
	<b>25–27</b> -mosebetsi o tswileng matsoho leha o haellwa ke dintlha tse ikgethang tsa moqoqo o babatsehlang -mehopololele ke e sutsitseng, mme e bontsha boqhetsheke -o hlophisitswe hantle ka tsela e bontshang bokgoni, mme o momahane ka tshwanelo ho kenyelleditswe selelekela, mmele le qetelo	<b>19–21</b> -Nehelano e radilweng hantle -mehopololele ke e loketseng, mme e thahasellisang -o hlophisitswe hantle ka tsela e ikgethang, mme o momahane ka tshwanelo ho kenyelleditswe selelekela, mmele le qetelo	<b>13–15</b> -nehelano e a kgotsofatsa leha e sa hlaka mona le mane -mehopololele e momahane le ho kgodisa ka tsela e mahareng -ho na le tlhophiso le momahano e itseng ho kenyelleditswe selelekela, mmele le qetelo	<b>7–9</b> -nehelano boholo e tswile lekoteng -mehopololele ha e a momahane ka tshwanelo, mme e a lahlehisa -nehelano ha e na bopaki ba tlhophiso le momahano	<b>0–3</b> -boitekoe ha bo yo ba ho arabela sehlooho -mehopololele e tswile lekoteng ka ho phethahala, ha e a nepahala -nehelano ha e a tsepama sehloohong, mme e dubakane
<b>Matshwao a: 30</b>					
<b>PUO, SETAELE LE TOKISO YA DIPHOSO</b> Sehlooho, rejiisetara, setaele, tlhophiso ke tse lokelang sepheo/tshusumetsa le maemo Kgetho ya mantswa Tshebediso ya puo le tlwaelo, matshwao a ho bala le mopeleto	<b>14–15</b> -sehalo, rejiisetara, setaele le tlhophiso di loketse sepheo ka tsela e babatsehlang, baamohedi ba ditaba mmoho le maemo -tshebediso ya hae ya puo e a ikgetha, mme e bontsha boitshupo ka tsela e tsotshang -o sebedisitse sehalo se matla, mme se susumetsang ka tsela e ikgethang -o batla o hloka diphoso tsa puo le tsa mopeleto -o radilwe ka bokgoni bo tsotshang.	<b>11–12</b> -sehalo, rejiisetara, setaele le tlhophiso di loketse sepheo, baamohedi ba ditaba mmoho le maemo haholo -tshebediso ya puo e sefutho, mme ho sebedisitse sehalo se loketseng ka nako tsohle -boholo ba mosebetsi ha o na diphoso tsa tshebediso ya puo le mopeleto -o radilwe hantle ka tshwanelo	<b>8–9</b> -sehalo, rejiisetara, setaele le tlhophiso di loketse sepheo, baamohedi ba ditaba mmoho le maemo -tshebediso ya puo ke e loketseng, mme e fetisa moelelo ka tshwanelo -puo ya bonono ke e loketseng, mme e sebedisitse ka tshwanelo -sehalo se sebedisitse ka tshwanelo: -o radilwe ka tsela e mahareng feela	<b>5–6</b> -sehalo, rejiisetara, setaele le tlhophiso ha di a lokela sepheo, baamohedi ba ditaba mmoho le maemo -puo e sebedisitse feela ka tsela ya motheo -sehalo mmoho le moelelo o hlahiswang ke tema ke tse sa lokelang -ho sebedisitse tlhophiso ya motheo feela	<b>0–3</b> -puo e sebedisitse ha se e utlwisiselang -sehalo, rejiisetara, setaele le tlhophiso ha di a lokela baamohedi ba ditaba, sepheo le maemo -tshebediso ya tlhophiso e haellang haholo hoo nehelano e sa utlwisiselang
	<b>13</b> -tshebediso ya puo ke e nepahetseng, mme e susumetsang sehalo sa tema -o batla o hloka diphoso tsa puo le tsa mopeleto -o radilwe ka bokgoni bo tsotshang	<b>10</b> -tshebediso ya puo ke e matla, mme e loketseng maemo -sehalo ke se matla, mme se loketseng -ho na le diphoso tse seng kae tsa puo le tsa mopeleto -o radilwe hantle	<b>7</b> -tshebediso ya puo ke e kgotsofatsang le ha ho na le ho sa tsamaellane mona le mane -Ka kakaretso sehalo ke se loketseng le ha puo ya bonono e le e haellang	<b>4</b> -puo ke ya motheo feela, mme e sebedisitse ka tsela e haellang -popeho ya dipolele ke e tshwanang e se nang motswako -tlhophiso e haella haholo feela	
<b>Matshwao a: 15</b>					
<b>SEBOPEHO</b> Makgetha a tema: popeho ya dipolele le kgodiso ya diratswana le bolelele bo hlokehlang	<b>5</b> -kgodiso ya sehlooho ke e babatsehlang -katoloso ya dintlha ke e ikgethang -dipolele le diratswana di bopilwe ka tsela e ikgethang	<b>4</b> -dintlha ke tse loketseng, mme tse hodisang sehlooho -momahano e bopilweng ke e supang bokgoni -dipolele le diratswana di loketse nehelano, mme di fapafanngwa ka tshwanelo	<b>3</b> -dintlha tse loketseng di hodisa sehlooho ka tsela e mahareng -dipolele le diratswana di bopilwe ka tsela e mahareng -moqoqo o ntse o hlahisa moelelo	<b>2</b> -tse ding tsa dintlha ke tse utlwahalang -dipolele le diratswana di na le diphoso -moqoqo o a utlwisisela le ha o le diphoso	<b>0–1</b> -dintlha tsa bohlokwa di a haella -dipolele le diratswana tse hlahisitse ke tse fosahetseng -moqoqo ha o na moelelo o lebeletsweng
	<b>Matshwao a: 5</b>				

**KAROLO YA B: DITEMA TSA KGOKAHANO****POTSO YA 2****2.1 LENGOLO LA SEMMUSO****Sebopeho**

- Diaterese di pedi;
- Aterese ya ya ngollwang (moamohedi) e ngolwa ka letsohong le letshehadi;
- Tlasa aterese ho ngolwa tumedisso (Monghadi, Mofumahadi kapa Mofuhatsana);
- Tlasa tumedisso ho ngolwa mola wa sehlooho – o totobatsang sepheo sa lengolo leo;
- Ka mora mola wa sehlooho ho ngolwa seratswana sa selelekela seo e leng ntshetsopelo ya ditaba;
- Qetelo le yona ke ya puo ya semmuso, mme e ka ngolwa e le 'Ka botshepehi', 'Wa tsena', 'Ka boikokobetso', jj.
- Ya ngolang lengolo o lokela ho ngola lebitso la hae ka botlalo ka mora qetelo, ebe o a saena ka mora lebitso ka botlalo.

**Dikahare tse ka lebellwang e ka ba tsena tse latelang:**

Mohlalobuwa a ka ngola a etsa karabelo tletlebong ya Masepala mabapi le tshebediso ya metsi e fetang tekano, mme a buelle lelapa la habo.

**[25]****2.2 ATIKELE E YANG MAKASINENG**

Ena ke tokomane ya dikgokahano e yang dimakasineng.

**Sebopeho sa atikele e yang makasineng**

- Atikele e ba le sehlooho se hohelang mahlo;
- Lebitso la moqolotsi wa ditaba le sebaka seo atikele e ngolletsweng teng di ngolwa ka hodima seratswana sa pele;
- E arolwa ka dikholomo tse bopilweng ka diratswana tse kgutshwane;
- Ditaba di hlahiswa ka sebopeho sa boloko.

**Dikahare:**

- Mohlahlobuwa a hlahise maikutlo a hae mabapi le ho tjheswa ha dikolo le mabenkele ke baipelaetsi ba tsekang phano ya ditshebeletso;
- A ka etsa tlhahiso ya hore baipelaetsi ba ka latela metjha e meng ya ho bontsha kamoo ba tlatlatjwang ke ho haella ha phano ya ditshebeletso kateng.

**[25]**

### 2.3 LENANETSAMAISO LE METSOTSO YA KOPANO

Lenanetsamaiso ke moralo wa tlhophiso ya ditaba tse tla tshohlwa kopanong ya mokgatlo.

#### Sebopeho sa lenanetsamaiso

- Pulo le kamohelo;
- Tlhomamiso ya phutheho/seboka/kopano;
- Ba teng le ba siyo;
- Metsotso ya kopano e fetileng;
- Tse tswang metsotsong;
- Ditaba tse ntjha tsa letsatsi leo (ho hlake hore ho tshohlwa ho nyollwa ha mokotla bakeng sa dithuso tsa maqheku motseng oo wa heno.);
- Kgetho ya letsatsi la kopano e latelang;
- Ho kwalwa ha kopano.

#### Sebopeho sa metsotso

Ntlha ka nngwe e hlahellang lenanetsamaisong e hlahoswe hore e ile ya sebetswa kapa ho fetiswa jwang ke ba neng ba le teng kopanong. [25]

### 2.4 TSA BOPHELO BA MOFU/OBITJHUARI

Ena ke tokomane eo ho yona ho ngolwang ditaba tse amanang le mofu.

#### Matshwao a ikgethang a sebopeho sa tema ena:

- Mofu ke mang, ke wa ha mang;
- Tlhaho ya hae: Sebaka moo a hlahetseng teng, letsatsi la tswalo le selemo;
- Tsa kgolo ya mofu; dithuto, mosebetsi; lenyalo;
- Tsa lefu la hae: letsatsi le mokgwa oo a hlokaletseng ka wona;
- Mabalalo: bao a ba siyang;
- Dithoko tsa seboko sa hae. [25]

### 2.5 PUO

#### Sebopeho

- Pulo e ka ba polelo kapa polediso ya bohlae, e tla hohela le ho qahamisa ditsebe tsa bamamedi.
- Dintlha di hlophiswe ka boqhetseke hore puo e phalle.
- Dipolelo e be tse kgutshwane, tse kenyeleditseng bonono ho natefisa.
- Puo e be le phallo: ho be le selelekela, mmele wa dintlha tse momahaneng le qetelo e monate.
- Dintlha e be tsa nnete.

Puo ya mofuta ona e etswa dibokeng tsa ho hlahisa batho leseding ka tse etsahalang bophelong ba setjhaba.

#### Dikahare tse ka lebellwang e ka ba tsena tse latelang:

- Mohlahlobuwa, jwalo ka sebui a lebohe ho fuwa sebaka sa ho etsa puo;
- A totobatse sepheo sa ho nehelana ka puo eo, e leng ho leboha radipolotiki ya thusitseng ka ho kgothaletsa batjha ho ya vouta. [25]



## 2.6 INTHAVIU E NGOLWANG

Inthaviu ke tsela e nngwe ya puisano moo e mong a botsang dipotso ha e mong a arabela dipotsong tseo.

### Sebopeho:

- Dipotso di hlophiswe ka bokgeleke;
- Lebitso la sebui le ngolwe ka letsohong le letshehadi la leqephe, le bile le latelwa ke letshwao la kgutlopedi (jk. Moleboheng);
- Selelekeleng mmotsi o nehelana ka tlhahisoleseding e amang le sepheo sa puisano;
- Mmeleng mmotsi o botsa mmotsuwa dipotso tse itshetlehileng sehloohong se itseng;
- Sehalo e be se loketseng kopano ena.

### Dikahare

Mohlahloluwa o lokela ho ngola inthaviu e pakeng tsa hae le ngwana ya dulang mebileng;

[25]

**MATSHWAO OHLE A KAROLO YA B: 50**

**MATSHWAO OHLE A PAMPIRI ENA: 100**

**KAROLO YA B: DITEMA TSA KGOKAHANANO****Ditaelo ho Motshwai:**

- Mohlahlobuwa o lokela ho ngola ka dihlooho TSE PEDI karolong ena.
- Ha mohlahlobuwa a tswile lekoteng nehelanong etsa tsena tse latelang:
  - Mohlahlobuwa a abelwe matshwao bakeng sa dikahare ho fella kगतong ya pele feela.
  - Mohlahlobuwa a abelwe matshwao bakeng sa tshebediso ya puo ho fella kगतong ya pele feela.
  - Mohlahlobuwa a abelwe matshwao bakeng sa sebopeho ho fella kगतong ya pele feela.
  - Mohlahlobuwa a etse moralo bakeng sa ditema tsa hae.
  - Mohlahlobuwa a etse moralo bakeng sa tema ya hae: Motshwai a lekole dintlha (mehopolo ya sehlooho le e e tshehetsang) ho bona kamoo e lebisang tlhahisong ya diratswana le tema yohle kateng.

**Tataiso bakeng sa ho tshwaya tema e telele:**

Sehella lentswe kapa polelo e fosahetseng mola, o be o bontshe mofuta wa phoso hodima lentswe/polelo ka ho sebedisa matshwao ana a latelang.

- / bakeng sa ho arola mantswe a ngotsweng a kopantswe empa a lokela ho  
 —, + arolwa;
- mn** bakeng sa ho kopanya mantswe a arohantsweng empa a ngolwa a kopane;
- mp** bakeng sa mongolo (*orthography*) o fosahetseng;
- mt** bakeng sa mopeleto o fosahetseng;
- p** bakeng sa tshebediso ya matshwao a puo a fosahetseng kapa moo ho  
 ^ hlokehang letshwao la puo;
- // bakeng sa puo e sa sebediswang ka nepo kapa ka tshwanelo/tlwaelo;
- ← bakeng sa lentswe kapa karolwana ya lentswe e siilweng dipakeng tsa  
 ↑↓ mantswe a mang;
- bakeng sa ho arola diratswana;
- bakeng sa ha mohlahlobuwa a qadile polelo hara mola;
- bakeng sa ha mohlahlobuwa a fetoletse dintlha tsa hae a qadile ka eo a  
 lokelang ho qetella ka yona.

**SENOTLOLO SA HO TSHWAYA:**

<b>Makgetha a Tekanyetso</b>	<b>Matshwao</b>	<b>Senotlolo</b>
Dikahare, Moralo le Sebopeho	15	DMS. =
Puo, Setaele le Tokiso ya diphoso	10	PST =
<b>Matshwao ohle</b>	<b>25</b>	

**RUBURIKI YA HO LEKANYETSA TEMA YA KGOKAHANO – SESOTHO PUO YA LAPENG [MATSHWAO A 25]**

<b>Makgetha a ho lekanyetsa</b>	<b>Phihlello e babatsehang</b>	<b>Phihlello e supang bokgoni</b>	<b>Phihlello e mahareng</b>	<b>Phihlello ya motheo feela</b>	<b>Phihlello e haellang</b>
<p><b>DIKAHARE, MORALO LE SEBOPEHO</b></p> <p>(Nehelano le mehopollo) Ho rala, ho hlophisa mehopollo Kelohlolo ya maikemisetso, baamohedi ba ditaba le maemo</p> <p><b>MATSHWAO A 15</b></p>	<p><b>13–15</b></p> <p>-Nehelano e babatsehang ya sehlooho e supang bokgoni bo ikgethang -Mehopollo e matla e sutsitseng -Tsebo e batsi ya makgetha a mofuta ona wa tema -Nehelano ha e kgere e tsepame sehloohong -Mehopollo le dikahare ke tse momahaneng, tse hlalositsweng ka botebo, mme dintlha di tshhehetsa sehlooho -Sebopeho ke se loketseng se nang le diphoso tse mmalwa</p>	<p><b>10–12</b></p> <p>-Nehelano e ntle haholo e bontshang tsebo e ntle ya makgetha a mofuta ona wa tema -Nehelano ha e kgere e tsepame sehloohong -Mehopollo le dikahare ke tse momahaneng, tse hlalositsweng ka botebo, mme dintlha di tshhehetsa sehlooho -Sebopeho ke se loketseng se nang le diphoso tse mmalwa</p>	<p><b>7–9</b></p> <p>-Nehelano e lekaneng e bontshang tsebo ya makgetha a mofuta ona wa tema -Nehelano ha e a tsepama sehloohong ka ho phethahala ho na le ho kgera ho itseng -Mehopollo le dikahare di na le momahano e amohelehang -Ke dintlha tse itseng feela tse tshhehetsang sehlooho -Ka kakaretso sebopeho ke se loketseng empa se nang le diphoso tse itseng</p>	<p><b>4–6</b></p> <p>-Nehelano ya motheo e bontshang tsebo ya makgetha a itseng feela a mofuta ona wa tema -Nehelano e na le tsepamo e itseng feela sehloohong empa e a kgera -Mehopollo le dikahare ha se ka mehla di momahaneng -Sehlooho se tshhehetswa ke dintlha tse itseng feela -Sebopeho se fofo feela, mme se na le bohlotso bo boholo</p>	<p><b>0–3</b></p> <p>-Nehelano e totobatsa kgaello ya tsebo ya makgetha a mofuta ona wa tema -Moelelo o nyotobetswa ke ho kgera ho hoholo -Mehopollo le dikahare ha di na momahano -Ke dintlha tse mmalwa haholo tse tshhehetsang sehlooho -Ha ho na boiteko bo entsweng ho sebedisa sebopeho se nepahetseng</p>
<p><b>PUO, SETAELE LE TOKISO YA DIPHOSO</b></p> <p>Sehalo, rejistara, setaele, maikemisetso, baamohedi ba ditaba le maemo Tshebediso ya puo, tlwaelo ya tshhebediso ya puo, kgetho ya mantswa, matshwao a puo le mopeleto</p> <p><b>MATSHWAO A 10</b></p>	<p><b>9–10</b></p> <p>-Sehalo, rejistara, setaele le tlotlontswe di loketse ka ho fetisisa maikemisetso, baamohedi ba ditaba le maemo -Tshebediso ya puo e nepahetse e bile e bopehile hantle -Nehelano ha e na diphoso</p>	<p><b>7–8</b></p> <p>-Sehalo, rejistara, setaele le tlotlontswe di loketse ka ho fetisisa maikemisetso, baamohedi ba ditaba le maemo -Ka kakaretso tshhebediso ya puo ke e nepahetseng e bileng e bopehile hantle -Tshebediso ya tlotlontswe e ntle haholo -Nehelano boholo ha e na diphoso</p>	<p><b>5–6</b></p> <p>-Sehalo, rejistara, setaele le tlotlontswe di loketse maikemisetso, baamohedi ba ditaba le maemo -Nehelano e na le diphoso tse itseng tsa tshhebediso ya puo -Tshebediso ya tlotlontswe ke e lekaneng -Diphoso ha se tse nyotobetsang moelelo</p>	<p><b>3–4</b></p> <p>-Sehalo, rejistara, setaele le tlotlontswe ha di a lokela maikemisetso, baamohedi ba ditaba le maemo hantle -Tshebediso ya puo e fosahetse e bile e tletse diphoso tse ngata -Tshebediso e seng kae ya tlotlontswe -Moelelo o nyotobeditswe</p>	<p><b>0–2</b></p> <p>-Sehalo, rejistara, setaele le tlotlontswe ha di dumellane le maikemisetso, baamohedi ba ditaba le maemo -Nehelano e tletse diphoso e dubakane -Tlotlontswe ha e dumellane le maemo -Moelelo o nyotobeditswe haholo</p>